

# *KUBEKWA KWEMADIKHONI*

 Futsi, loko kutsi, kutsi kwekucala kubekwa kwemadikhoni ebandaleni. Futsi libandla letfu lelincane lapha litimele. Alinalo nomanguliphi lihlelo noma ngabe yini kutfumela emadikhoni alo, likhetsa emadikhoni alo. Liyatikhetsela umfundisi walo, liyatikhetsela emagonsa alo, liyatikhetsela konkhe lokungena futsi kuphume ebandaleni. Kute umunfu munye loneligunya ngetulu kwanoma yini, libandla. Futsi libandla ngulabo labafikako futsi basekele libandla ngebukhona babo, ngekweshumi kwabo neminikelo, ngulabo sonkhe sikhatsi labaneligunya lelisemtsetfweni ekubekeni lokunjalo.

<sup>2</sup> Futsi ngifuna kubonga libhodi lelendlulile lemadihoni, futsi ngikusho kusuka lapha kulo lonkhe libandla. Uma nomangumuphi walabo bazalwane balapha, lobekunguMnaketfu Cox, uMnaketfu Fleeman, neMnaketfu Higginbotham kanye neMnaketfu Deitzman, basinikete inkonzo lenhle, banikete iNkhosi, kulelitabernakeli.

<sup>3</sup> Futsi njalo ngasosonkhe sikhatsi, ngekwemitsetfo yelibandla, wonkhe mnyaka, emadikhoni noma emagonsa ngalokutentekelako bagcwalisa sikhatsi sabo. Futsi uma bafuna kubuya, kuhle. Uma bangafuni kubuya, khona-ke bangabeka labanye etindzaweni tabo, kutsi lelibhodi leli seliyekele.

<sup>4</sup> Futsi ngalolobunye busuku ngibite libhodi lemagonsa, lokukutsi kunelihodi lelisha lemagonsa. Futsi ngicaphele uMnaketfu Luther McDowell lapha kusihlwa, siyajabula kumbona angekhatsi, lobekakadze asebhodini lemagonsa. Ngiye entasi kuleliviki kuyotfola futsi nekuhlola ekubeni nekhophi letfwetjuliwe yentiwa, letokwetfulwa ebandaleni, futsi. Kutsi emagonsa elibandla manje nguMnaketfu William Morgan, uMnaketfu Mike Egan, neMnaketfu Banks Wood, neMnaketfu Roy Roberson. Futsi bonkhe balelidolobha, ngaphandle kweMnaketfu Roberson lowo lohlala emkhatsimi kwalamadolobha lamabili. INkhosi ibone lawomadvodza angulafanele, futsi abengemadvodza lahloniphekile, futsi manje sebemukele umsebenti njengemagonsa alelibandla.

<sup>5</sup> Bese-ke lapho lomhlangano usachubeka, futsi ngatjelwa ngulobambisene nemelusi kutsi tsine, ekukhetsemi libhodi lelisha lemadihoni, kutsi laba basisebentile sikhatsi sabo basicedza futsi-futsi babeka phansi, futsi bekukukhetsta lamanye futsi emadikhoni. Manje, libandla...Indlela lokwentiwa ngayo loku, kutsi, libhodi lingakhetsa emadikhoni, indvodza leyo labathlanganise nayo futsi yatfolakala iyindvodza lehloniphekile nalelungile.

<sup>6</sup> Sikhundla selidikhoni sikhundla lesikhulu kakhulu, nekuhlonipheka lokukhulu eNkhosini kuba lidikhoni ebandleni. Futsi ngako, emhlanganweni ngalolobunye busuku, indvodza letsite yabitelwa kimi. Futsi lapho ihlangana nemfundisi, lokulandzelako...ngaloLesihlanu lona lowendlulile, lowavunywa ngulendvodza kutsi lawa bekuyindvodza lehloniphekile nalelungile.

<sup>7</sup> Lenye insizwa lebebaitfolile, beyingakafaneli empeleni (hhayi ngoba beyingesilo luhlobo lolufanele lwendvodza), leyo leyanconywa ngulenye indvodza lehloniphekile yelihodi letfu lemagonsa. Kodvwa lapho umelusi nami sesihlangene, futsi ngabuta iminyaka yalensizwa, beyilapha ekucaleni kwemashumi lamabili ayo. Lehloniphekile, lelungile, indvodza sibili, kodvwa kwatfolakala kutsi beyingakashadi. LiBhayibheli lidzinga kutsi lidikhoni libe yindvodza leshadile. Lifanele libe yindvodza lenemfati munye.

<sup>8</sup> Kwase kutsi-ke lenye indvodza lebeyiyindvodza lehlonipheke kakhulu, lewufanele kakhulu umsebenti futsi beyiyoba yindvodza letsembekile, njengoba umnaketfu amncomile. Ngako-ke ngemuva kwekuphenya ludzaba, kutsi lomnaketfu bekasandza nje kungena kulokuKholwa loku, umkakhe akakholelwa kuKo. Khona-ke loko kuyayivimbela lendvodza kulesikhundla. Ngoba ufanele abe nawo wonkhe umndeni wakhe utitfobile, ukufanele nawo futsi ube sekuKholweni, ngoba bekuyoba kushayisana.

<sup>9</sup> Futsi siyakha manje, futsi sifisa kubeka lelibandla. Futsi njengemonisi lomkhulu welibandla, ngifanele ngibone kutsi kugciniwe, ngekwemBhalo, konkhe kuseVini ngco.

<sup>10</sup> Futsi ngako-ke, khona-ke, kutfolakele kufanelekile ngalelibhodi nemfundisi, nembonisi, kukhetsa kulelicembu lebantfu lapha lenye indvodza lesicabanga kutsi ihloniphekile futsi iyindvodza lelungile. Singabaletsa kuphela. Futsi kukutsi, ke, bakhonjwa libandla, ngelivoti labo lucobo. Futsi-ke lamadvodza lawa atosebenta, uma beva kutsi batosemukela lesikhundla lesi. Khona-ke batongena sikhashana, kubona uma beva mhlawumbe kutsi Nkulunkulu ubabitile yini. Futsi uma kamuva, uma beva kutsi abakasifaneli, khona-ke, banelilungelo kulamavikini lambalwa lalandzelako kutsi babeke phansi lesikhundla, kute kutsi lomunye umuntfu akhonjwe endzaweni yabo.

<sup>11</sup> Noko-ke, ekucaleni kwemvuselelo kutsi (uma Nkulunkulu atsandza) ngifuna kubamba lapha kulelitabernakeli masinyane nje nasengitfole kuphumula, khona-ke ngi—khonake ngi... sitogcoba lamadikhoni ngekubeka tandla, emadikhoni nemgcinimafa kulelibandla. Kodvwa kucala afanele akhonjwe futsi—futsi sibone kutsi akutsandza kanjani nekutsi libandla likutsandza kanjani. Khona-ke uma ku—khona-ke uma

kulungile nhlangotsi totimbili, khona-ke senta lendvodza lawa emadikhoni lagcotjiwe, njengemagonsa nje nawo akhetfwa ngendlela lefanako.

<sup>12</sup> Kutimela nemtsetfo welibandla, ngeLivi laNkulunkulu. Ngako-ke, loko, abakwati nje kutsi “Ngicabanga kutsi lendvodza ingaba yindvodza lelungile,” loko akusiko, “uMnaketfu Neville uocabanga kutsi lendvodza ingaba yindvodza lelungile,” noma “libhodi lemagona licabanga kutsi lendvodza ingaba yindvodza lelungile.” Kumele kube libandla! Kute lowenta nomayini ngekwakhe lapha. Livoti lelibandla. Kutimela kwelibandla.

<sup>13</sup> Lomcukutfo lomdzala wemitsetfo-mgomu wabhujiswa nguzamcolo wa 1937. Siphindze sayikopa futsi leyo, futsi itolengiswa lalubondzeni lapha madvutane nje, imisebenti yemagonsa, emadikhoni, bagcinimafa, nakanjalonjalo, umfundisi, labambisene naye, nalokunye nalokunye.

<sup>14</sup> Ngemusa waNkulunkulu, kushitiwo kimi, futsi liphesenti lelilikulu lelivoti ebbodini lalelibandla, kutsi batfolile kutsi uMnaketfu Hollin Hickerson angulolungile, indvodza lehloniphekile, futsi lelandzelako kulesikhundla lesi kwemukela ku–kuhlonishwa lokukhulu kwekuba lidikhoni lalelitabernakeli lelishitiwo.

<sup>15</sup> Futsi, sitfolile, futsi ngelivoti lelibhodi, kutsi uMnaketfu Collins naye utfolakele ayindvodza lehloniphekile nalelungile. Angumshumayeli, yena ngekwakhe, ngako-ke sitomcela kutsi ete futsi abe li–lidikhoni lelibandla; futsi hhayi lidikhoni nje kuphela, kodvwa lobambisene neMnaketfu Neville, futsi mhlawumbe eklasini laSontfo sikolwa, noma kutsatsa indzawo yeMnaketfu Neville, noma ngabe yini lebitwako kuye kutsi abe ngulobambisene neMnaketfu Neville. Lowo nguMnaketfu Collins.

<sup>16</sup> Kantsi, futsi, libandla litfole, ngekuphasisa, kutsi uMnaketfu Tony Zabel, indvodza lehloniphekile nalelungile, futsi ukhetsiwe embikwelihodi lemagona kanye nebafundisi kutsi bamcele kutsi amukele sikhundla selidikhoni kulelitabernakeli lelishitiwo.

<sup>17</sup> Futsi kuphindze kwacelwa, futsi kwatfolakala indvodza lehloniphekile emkhatsini wetfu... (Hhayi...labu kungesiyo kuphela indvodza lehloniphekile nje, manje, kodvwa nje lekhetfwe libhodi.) UMnaketfu Taylor waseHenryville, noma eMemphis, ngikhawlwa kutsi kunjalo, eMemphis, e-Indiana. Sewube natsi sikhatsi lesitsite, asebenta njenga asha nanoma kungaba yini. Kutsi libandla limtsandzile, noma libhodi nebafundisi, kutsi utokwemukela le–lesikhundla lesikhulu njengelidikhoni lalelitabernakeli lelishitiwo.

<sup>18</sup> Futsi kuceliwe futsi kutsi umkhwenyana weMnaketfu Mike Egan, uMnaketfu–uMnaketfu Bob Harned, ukhetfwe

libhodi nebafundisi, kwemukela sikhundla njengemgecinimafa walelitabernakeli lelishitiwo, lokungumsebenti lohloniphekile, futsi udzinga bulungiswa nenhloniph.

<sup>19</sup> Ngekwenta loku, ngiyacabanga, bazalwane bami, kutsi kunibita lapha, kutsi kungaba yinhtoniph lenkhulu kini. Futsi hhayi loko kuphela, kodvwa lokutsite kutsi kwentiwe.

<sup>20</sup> Kulesikhatsi lesi ngitoba neMnaketfu Neville, lesibambisene naye, kutsi afundze tidzingakalo telidikhoni. Mnaketfu Neville, uma utokufundza eVini laNkulunkulu. [UMnaketfu Neville ufundza Thimothi wekuCala 3:8-13—Umhl.]:

*Kanjalo nemadikhoni afanele azitse, angabi nelulwimi lolumphacambili, angabi ngulatigcila teliwayini futsi ahalele inzuso lembi;*

*Aphetse imfihlakalo yekukholwa nganembeza lomhlophe.*

*Nalabo abacale bahlolwe; bese-ke bangena esikhundleni selidikhoni, uma batfolakele bangasoleki.*

*Ngalokunjalo nebafti babo bafanele bazitse, labangahlebi, labatitsibako, labatsembekile etintfweni tonkhe.*

*Akutsi emadikhoni abe ngemadvodza emfati munye, labusa kahle bantfwanawo bawo nemiti yawo.*

*Ngoba labo labake bawenta kahle lomsebenti wemadikhoni batizuzela ludvumo loluhle, nesibindzi lesikhulu ekukholweni lokukuKhristu Jesu.*

<sup>21</sup> Amen. Ngitocela kulesikhatsi lesi labazalwane laba lababitiwe, uma bebatochubekela nje embili lapha ngembili umzuzwana nje. Futsi sisakhotsamisa tinhloko tetfu umzuzwana nje sentele umkhuleko, ngifuna bona...Nelibandla liyati kutsi loku kuyini, kutsi loku kukhetsa libhodi lenu lemadihoni nemgecinimafa wenu.

<sup>22</sup> Nkhosi Jesu, kungulokuzotsile, kucabanga ngekwebuNkulunkulu kutsi sita kuWe manje. Sita etinhloniphwensi teLivi laKho leliNgcwele kaKhulu, sita sikhulwa kutsi “Akutsi onkhe emavi emuntfu abe ngemanga, kepha aNkulunkulu abe liciniso.” Futsi sinekubonga kuWe ngaleliBandla Jesu lalitsenge ngeNgati yaKhe luCobo leliligugu, futsi usiphe lesakhiwo lesi kute sikhontele kuso.

<sup>23</sup> Futsi njengebabonisi balomhambi lomkhulu, Moya loNgcwele lowasigcobela kutsi sibe ngiwo, siyatama manje kwetfula kulelibandla leletsembekile, sicuku lesilungile sendvodza lesikhulwa kutsi igcwaliswe ngaMoya futsi ilungele sikhundla. Njengoba kuke kwashiwo mayelana nelibhodi lemadihoni, “Hambani niticaphele emkhatsini wenu, indvodza lenemibiko lemhile nalenaMoya loyiNgcwele, kute bakhonte ngalenddlela, kunakekela bafelokati netintsandzane, kwaba

imali, nekunakekela inhlalakahle yelibandla.” Kamuva eminyakeni, sisandza kufundza nje kubhala kwalowo lomkhulu, lophefumulelwe, Pawula longcweliwi, lowabeka simemetelo semiBhalo ngetidzingakalo tetikhundla letinjalo.

<sup>24</sup> Nkulunkulu, hlonipha lawa indvodza. Futsi manje sincumo, Nkhosi, njengelibandla lelitimele, njengemtimba weNkhosi Jesu, kutsi benta kukhetsa. Futsi [Akucoshwanga etheyiphini—Umhl.]...futsi utocondzisa lencenye yenkonzo ngendlela leketsekile, kulelo lelilungile naleliNgcwele liGama laJesu.

<sup>25</sup> Manje netinhloko tefu tikhotseme, hhayi tinhloko tefu kuphela kodywa tinhliyo tefu, futsi njengalo lonkhe lilunga lalelibandla, loyo lota lapha njalo futsi ulisekela ngekweshumi kwakho neminikelo, lotsatfwa njengelilunga lalelibandla, lapho umfundisi nami, ngedvwa, ngibuka, umfundisi lengibambisene naye, uMnaketfu Neville, nami sibukile, ngingabuta uma lelibandla litfola uMnaketfu Taylor ayindvodza lelungile nalefanele, ngekucabanga lokwendlula konkhe, kuba lidikhoni etikwalelicembu lebantfu na? Utobonisa lokufanako ngekuphakamisa sandla sakho. [UMnaketfu Branham uyathula sikhashana—Umhl.] Kulungile. Manje uma kukhona noma ngukuphi kuphikisa, ungasiphakamisa sandla sakho. [UMnaketfu Branham uyathula sikhashana—Umhl.] Siyabonga.

<sup>26</sup> Ngabe noma nguliphi lalamalunga alelibandla lapha litfola...futsi onkhe, nitfola uMnaketfu Hollin Hickerson ayindvodza lenebulungiswa nalehloniphekile, nendvodza letfolakala emehlweni akho ifanelekile kutsi ibe lidikhoni lalelibandla lelishiwoko na? Ungabonisa ngekuphakamisa sandla sakho sangese кудла. [UMnaketfu Branham uyathula sikhashana—Umhl.] Uma kuphikisana, khona-ke phakamisa sandla sakho. [UMnaketfu Branham uyathula sikhashana—Umhl.]

<sup>27</sup> Ngabe lelibandla litfola uMnaketfu Collins kutsi ungulofanako, indvodza lelungile nalehloniphekile, futsi iwufanele umsebenti wekuba lidikhoni lalelibandla na? Ungaphakamisa sandla sakho. [UMnaketfu Branham uyathula sikhashana—Umhl.] Kulungile. Lophikisako, ungaphakamisa sandla sakho. [UMnaketfu Branham uyathula kwasikhashana—Umhl.]

<sup>28</sup> Ngabe lelibandla litfola uMnaketfu Tony Zabel kutsi abe yindvodza lehloniphekile nalefanele lesikhundla lesi, sekuba lidikhoni etikwalomhlambi kulelibandla lelishiwoko na? Ungaphakamisa sandla sakho sekudla. [UMnaketfu Branham uyathula sikhashana—Umhl.] Lophikisako, ungaphakamisa sandla sakho. [UMnaketfu Branham uyathula sikhashana—Umhl.]

<sup>29</sup> Ngabe lelibandla liva kutsi uMnaketfu Harned uyindvodza lenebulungisa naletungle, lobe natsi sikhatsi lesitsite, kutsi abe ngumgcinimafa, mabhalane longumgcinimafa walelibandla, kuphatsa timali talo nekukhokhela tīkweneti talo na? Uma kunjalo, phakamisa sandla sangesekudla. [UMnaketfu Branham uyathula sikhashana—Umhl.] Ngabe ukhona lokuphikisako, phakamisa sandla sakho sangesekudla. [UMnaketfu Branham uyathula sikhashana—Umhl.]

<sup>30</sup> Ngifisa kusho ku—kulabazalwane bami labemile kulesikhatsi lesi samanje, elunyaweni lwalesiphambano lesi, kutsi lelibandla, ngelikhulu lemaphesenti (akukho kuphikisa nhlobo), kutfolakala kutsi nonkhe ningulabafanele emehlwensi aNkulunkulu kulesikhundla lesi Nkulunkulu lakubitele kuso.

<sup>31</sup> Manje, wena, njengoba kwashiwo, “Labo abacale bahlolwe, futsi kubonwe kutsi bayasifuna yini lesikhundla lesi.” Emavikini lambalwa, Nkulunkulu atsandza, ngitobuya emuva kutsi ngibeke tandla etikwalelicembu lendvodza, kubenta babe ngulelisemtsetfweni itrust—...noma emadikhoni alelibandla, nemgcinimafa.

Asikhotsamise tinhloko tetfu umzuzwana nje:

<sup>32</sup> Nkhosi, siyajabula kusihlwa kutsi kakhona indvodza lesaphila kulomhlabo lengahamba ngekwesaba nkulunkulu embikwelive; lemesaba kakhu nkulunkulu kutsi litabernakeli, ngemitsetfo lecinile njengoba leli linayo, lingavotela indvodza lasihlanu esikhundleni njengebaholi balo, ngaphandle kwelivoti linye leliphikisako. Siyabajabulela, futsi sinemuzwa wekutsi Wena ubenatsi ekwenteni letincumo leti, libhodi natsi bafundisi.

<sup>33</sup> Nkulunkulu, busisa lawa indvodza. Futsi kwangatsi bangaphatsa lesikhundla lesi ngenhlitiyo yabo yonkhe, bat kutsi sibatsengela ludvumo lolukhulu eZulwini. Ngalelinye lilanga lapho Tincwadzi taseZulwini tiyovalwa, kwangatsi iNewadzi yetidalwa tasezulwini naseNewadzini lenkhulu yaseZulwini ingavulwa, kwangatsi emagama abo angaba likhulu lemaphesenti embikwaNkulunkulu neMsindzisi nawo onkhe emabandla aseZulwini, kutsi afane eMbusweni waKhe. Babusise, Nkhosi, futsi kwangatsi bangasiphatsa kahle lesikhundla. EGameni laJesu siyaKubonga ngabo. Amen.

<sup>34</sup> Ngifuna nje kuchawula tandla tenu, [UMnaketfu Branham uchawula tandla tabo—Umhl.] UMnaketfu Harned, neMnaketfu Zabel, neMnaketfu Collins, uMnaketfu Hickerson, neMnaketfu Taylor. Ngiyajabula kakhu kwati kutsi sihlanganyele ndzawonye sonkhe lesikhatsi lesi nendvodza lehlonipheke kangaka. Nkulunkulu anibusise manje. Futsi sitonibona ngekushesha, masinyane nje lapho sengitfole kuphumula lokuncane, kutsi ngibuye, futsi ngibone kutsi usitsandza kanjani sikhundla sakho. Kulungile, ngelivoti labo, ngicabanga kube likhulu lemaphesenti, akukho kuphikisa nhlobo.

<sup>35</sup> O, anijabuli yini kutsi nitihlanganisa nebantfu namuhla longaphila phambi kwaNkulunkulu, lomesabako nkulunkulu, futsi baphile embikwalelive lanamuhla kulesosimo na? Kuyintfo lenhle kakhulu.

<sup>36</sup> Futsi ngiyajabula kakhulu kwati kusihlwa kutsi nginenhlanhla ye—yekuba nalawa indvodza nalelibandla kutsi babe bangani bami. Ngiyajabula kakhulu kutsi Nkulunkulu ungvumele ngitihlanganise mine lucobo neliBandla laKhe emhlabeni wonkhe jikelele. O, bayadzelelwa futsi baliwa futsi kwakhulunywa ngabo, futsi njengoba ngishito manje ekuseni emlayetweni wami, mhlawumbe nje babhuci beludzaka, indlela live lelibabuka ngayo, njenge “sicuku setinhlanya,” kodvwa Nkulunkulu ubabuka njengebantfwana baKhe. Ngijabula kakhulu ngaloko. Bangahle bangakhoni kukutjela kutsi mangakhi emakhilomitha kuya enyetini. Bangahle bangakhoni kukutjela lonkhe luhlelo loluphatsele neluhlelo lwekusebenta kwemhlabna nelilanga nekutsi luyasebenta kanjani. Kodvwa kunentfo yinye labayatiko, bayalati li-awa labatalwa kabusha ngalo. Ngiyajabula kakhulu ngabo.

<sup>37</sup> Futsi njengemfanekiso lomncane lengawufundza, futsi ngitowuhlanganisa kusihlwa nemantfombatane ami lamancane lamibili kutsi kukwenta kutsi ube ngulesikujwayele, kukwenta kube ngulokuphatsekako kitsi, kutsi nitocondza inchazelo yako. Ngalokunye kusa, ngivuka embhedzeni... Nginemantfombatane lamibili lamancane. Lenye yawo nguRebekah, nalelenye yawo nguSarah, futsi angemantfombatane lamancane ababe.

<sup>38</sup> Futsi nginemfana lomncane, Joseph. Futsi ngangivela eChattanooga, kulomunye wemhlangano ngalobunye busuku, ngesikhatsi ngilapho kulomkhankaso wekugcina. Futsi ngangise—semotweni, ngehambisana nendvodzana yami lendzala, Billy. Umkakhe naMeda bebasemotweni, nemantfombatane. Futsi njengoba sasichubekela embili, kute lobekake wakhuluma sesendlule emabhilidi lamanengana elidolobha. Futsi ngangisike kakhudlwanyana bantfu ngalobo busuku ngendlela lebebenta ngayo. Futsi kute bekakhulume lutfo. Futsi Joseph lomncane uta ngalapha futsi wangibamba ngeliholmbe, watsi, “Babe, ushumayele mbamba kusihlwa!”

<sup>39</sup> Futsi manje ekuseni, njengoba bengisuka ngihamba futsi ngikhuphukela eSitaladini i-Eighth neTenth, i...noma iPenn neTenth, njalo, kute lobekake washo lutfo, umkami nemantfombatane lamibili. Futsi Joseph lomncane wangibamba ehломbe futsi, watsi, “Babe, loko, ngikutsandze sibili loko kushumayela manje ekuseni,” washo.

Ngatsi, “Yebo-ke, nginaye umlandzeli munye, lowo yindvodzana yami.”

<sup>40</sup> Futsi esishweni setfu lesincane. Ngivukile ngalokunye kusa, nighleti ekamelweni, Becky lomncane uphuma agijima futsi, utsi, wagibela emlenteni wami wase uyangigaca, futsi uyintfombatanyana yababe. Futsi bekangigaca. Futsi Sarah lomncane wagcuma wavuka embhedzeni nemaphijama akhe lamancane futsi bekatsi, utsi, eta agijima alandzela. Ungulonemehlo lamancane lansundvu.

<sup>41</sup> Becky lomncane bekatsi, “O, Sarah, asikho sidzingo sekutsi ute, ngoba ngimtsetse wonkhe Babe waba wami. Babe sewungewami wonkhe!” NaSarah lomncane, tindzebe temlomo wakhe letincane talenga, emehlo akhe lamancane lansundvu avaleka. Ngakhweba *kanjena* ngase ngikhipha lelinye lidvolo, futsi uyefika futsi wagibela kulo.

<sup>42</sup> Becky unemilente lemidze, ngako yayifika esiyilweni. Sarah lomncane bekabhadzatela, ngako ngagaca Sarah ngemikhono yami yomibili. Sarah lomncane wabuka ngale kuBecky wase utsi, “Becky, ungahle umtsatse wonkhe Babe, kodvwa Babe ungitsetse wonkhe mine!”

<sup>43</sup> Futsi ngicabanga kutsi kungaleyondlela lapha. Singahle singati konkhe kwesayensi yetenholo nawo onkhe emagama esayensi yetenholo lamakhulu esiGrikhi, lelicembu leli lebantfu lingahle lingati. Kodvwa kunentfo yinye lecinisekile, ngikhholwa kutsi Jesu unatsi sonkhe *tsine*. Amen.

Kulungile, Mnaketfu Neville.



*KUBEKWA KWEMA DIKHONI* SSW58-0720E

(The Placing of Deacons)

TINSHUMAYELO NGEKUTIPHATSJA, INCHUBO NEMFUNDZISO YELIBANDLA

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yaKholwane 20, 1958, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)